

變三七相乘廿一元爲一蔀合千三百廿年 春秋緯云天道不遠三五而反宋均註云三五王者改代之際會也能於此源自新如初則道無窮也 詩緯云十周參聚氣生神明戊午革運辛酉革命甲子革命注云天道卅六歲而周也十周名曰王命大節一冬一夏凡三百六十歲一畢無有餘節三推終則復始更定綱紀必有聖人改世統理者如此十周名曰大剛則乃三期會聚乃生神明神明乃聖人改世者也周文王戊午年決虞芮訟辛酉年青龍銜圖出河甲子歲赤雀銜丹書而聖武伐紂戊午日軍渡孟津辛酉日作泰誓甲子日入商郊

謹案易緯以辛酉爲蔀首詩緯以戊午爲蔀首依主上以戊午年爲昌泰元年其年又有朔旦冬至故論者或以爲應以戊午爲受命之年然而本朝自神武天皇以來皆以辛酉爲一蔀大變之首此事在□□未出之前天道□□自然符契然則雖有兩說猶可從易緯也又詩緯以十周三百六十年爲大變易緯以四六爲大變二說雖殊年數亦同

今依緯說勘合和漢舊記神倭磐余彥天皇從筑紫日向宮親帥船師東征誅滅諸賊初營帝宅於畝火山東南地檀原宮辛酉春正月卽位是爲元年當於周盤王三年齊桓公始霸主會諸侯於野事見史記表四年甲子春二月詔曰諸虜已平海內無事可以郊祀卽立靈時於鳥見山中其處號曰上小野榛原下小野榛原云是年周惠王桓公帥諸侯伐蔡蔡潰遂伐楚至召陵黃苞茅此卽桓公兵車第一之會也

謹案日本紀神武天皇此本朝人皇之首也然則此辛酉可爲一蔀革命之首又本朝立時下詔之初又在同天皇四年甲子之年宜爲革命之證○中
今年辛酉 昌泰四年也

謹按自天智天皇卽位辛酉之年至于去年庚申合二百卅年此所謂四六相乘之數已畢今年辛酉當於大變革命之年也又天智天皇以來二百卅年之內小變六甲凡三度也自天智天皇卽位辛酉至于日本根子高瑞淨足姬天皇元養老五年辛酉合六十年其年五月日本根子高瑞淨